



Cynigion CBAC ar gyfer addasiadau i gymwysterau UG yn haf 2022

Dogfen ymgynghori i ddysgwyr, rhieni a gofalwyr

Mae'r ymgynghoriad ar gael o ddydd Mercher 9 Mehefin tan 23:59 ddydd Mercher 23 Mehefin 2021.



@CBAC_WJEC



WWW.CBAC.CO.UK



@CBACWJEC

Dweud eich dweud: Newidiadau i'r UG yn haf 2022

Newidiadau arfaethedig i asesiadau UG yn 2022

Deallwn fod y sefyllfa bresennol wedi amharu'n sylweddol ar addysgu a dysgu y dysgwyr drwy gydol 2020 a 2021.

Felly, rydyn ni'n ymgynghori ar newidiadau arfaethedig i'r ffordd y bydd ein cymwysterau UG yn cael eu hasesu yn haf 2022.

Yn y llyfryn hwn, amlinellir yr addasiadau arfaethedig i'n cymwysterau UG wedi'u cymeradwyo gan Cymwysterau Cymru ar gyfer haf 2022. Nid yw ein cymwysterau UG Eduqas fel astudiaethau ffilm, daeareg ac electroneg wedi'u cynnwys yn y llyfryn hwn. Cymwysterau wedi'u hachredu gan Ofqual yw'r rhain. Mae manylion i ddilyn am y newidiadau i'r cymwysterau hynny.

Rydyn ni am glywed eich barn chi fel dysgwr, rhiant neu ofalwr – mae'n bwysig i chi gael dweud eich dweud am ein cynigion.

Yn y llyfryn hwn, mae trosolwg o'n cynigion a dylech chi ddarllen y llyfryn cyn i chi gwblhau'r arolwg.

Pa egwyddorion y mae'n rhaid i CBAC eu dilyn?

Amlinellodd Cymwysterau Cymru, y rheoleiddiwr arholiadau, saith o egwyddorion y mae'n rhaid i CBAC eu dilyn wrth wneud newidiadau i asesiadau UG. Rhaid i CBAC geisio:

1. sicrhau nad yw dysgwyr yn cael mantais nac yn cael anfantaes o gymharu â'u cyfoedion mewn awdurdodaethau eraill
2. sicrhau bod pob cymhwyster yn arwydd dibynadwy o'r wybodaeth, y sgiliau a'r ddealltwriaeth a bennir yn y cymhwyster yn dilyn unrhyw addasiadau i asesiadau
3. sicrhau nad yw cynnwys cymwysterau, yn gyffredinol, yn cael ei leihau; fodd bynnag, gellir ailstrwythuro cynnwys fel y gellir ei symleiddio'n rhesymol, megis mewn perthynas ag unedau dewisol.
4. sicrhau bod hydrinedd asesiad yn cael ei gynyddu i'r eithaf, lle bydd hyn yn caniatáu cynnydd yn yr amser addysgu er mwyn lleihau'r effaith ar ganlyniadau
5. cynnal safonau, cyn belled ag y bo modd, o fewn yr un cymhwyster yn unol â blynyddoedd blaenorol
6. cynnal safonau, cyn belled ag y bo modd, ar draws cymwysterau tebyg sydd ar gael gan CBAC a chan gyrff dyfarnu eraill
7. sicrhau bod hyblygrwydd wrth ddarparu asesiadau yn cael ei gynyddu i'r eithaf er mwyn lleihau effaith aflonyddwch, salwch neu gwarantyn, gan gynnwys cyfyngiadau symud ar lefel leol.

Pa dybiaethau gafodd eu gwneud gennym?

1. Bydd pob dysgwr wedi colli rhai cyfleoedd i ddatblygu sgiliau a gwybodaeth hanfodol, mewn gwaith ymarferol yn arbennig. Ni allwn gymryd yn ganiataol, felly, y bydd yr un ehangder sgiliau a gwybodaeth gan y dysgwyr hynny sy'n sefyll eu hasesiadau yn haf 2022 ag y byddai disgwyl iddynt eu cael fel arfer.
2. Bydd ysgolion a cholegau ar agor am y cyfan neu'r rhan fwyaf o flwyddyn academiaidd 2021-2022.
3. Mae'n debygol y bydd arholiadau yn digwydd yn ôl yr arfer yn 2022 gan ddefnyddio cynnwys wedi'i addasu ac asesiadau wedi'u haddasu hefyd lle y bo'n briodol gwneud hynny.
4. Mae'n debygol y bydd arholiadau yn digwydd yn ôl yr arfer yn 2023 heb unrhyw addasiadau.

Bwriad yr addasiadau ar gyfer y cymwysterau UG a amlinellir isod yw symleiddio'r cynnwys i'w asesu ar gyfer UG yn 2022, gan sicrhau ar yr un pryd na fydd y dysgwyr hynny sy'n astudio unedau Safon Uwch o fis Medi 2022 dan anfantais os ydynt yn sefyll asesiadau U2 yn 2023 sydd heb addasiadau. Mae hyn yn digwydd er mwyn sicrhau bod y cymwysterau UG a ddyfernir i ddysgwyr yng Nghymru yn 2022 yn ddilys, dibynadwy ac yn gallu cael eu cymharu â'r cymwysterau UG a ddyfernir i ddysgwyr yn Lloegr a Gogledd Iwerddon.

Mae'r tablau ar dudalennau 3 a 4 yn amlinellu'r addasiadau arfaethedig ar gyfer cymwysterau UG unigol.

Dweud eich dweud

Ymatebwch i'r arolwg ar-lein [yma](#) a mynegwch eich barn. Mae'r arolwg ar gael o 09 Mehefin tan 23:59 ar 23 Mehefin 2021.

Cymwysterau UG CBAC

Pwnc	Addasiadau arfaethedig ar gyfer 2022
TGCh Gymhwysol	Nid oes bwriad i wneud unrhyw newidiadau i'r cymhwyster hwn.
Celf a Dylunio	Nid oes bwriad i wneud unrhyw newidiadau i'r cymhwyster hwn.
Bioleg / Cemeg / Ffiseg	Nid asesir cynnwys wedi'i enwi (gan gynnwys rhywfaint o'r gwaith ymarferol penodol) ar gyfer Uned 1 ac Uned 2
Busnes	Nid asesir cynnwys wedi'i enwi ar gyfer Uned 1 ac Uned 2
Cyfrifiadureg	Nid asesir cynnwys wedi'i enwi ar gyfer Uned 1
Dylunio a Thechnoleg	- Nid asesir cynnwys wedi'i enwi ar gyfer Uned 1 - gall dysgwyr gwblhau model/brasfodel o'u dyluniad terfynol yn lle prototeip yn Uned 2
Drama a Theatr	- Yn Uned 1 maint lleiaf grŵp fydd un actor a bydd yr isafswm amser perfformio yn cael ei leihau. Bydd y gofynion lleiaf ar gyfer yr opsiwn dylunio hefyd yn cael ei leihau. - rhoi gwybod ymlaen llaw am rai o'r agweddau fydd yn cael eu hasesu yn yr arholiad Uned 2
Economeg	Nid asesir cynnwys wedi'i enwi ar gyfer Uned 1 ac Uned 2
Saesneg Iaith	Rhoi gwybod ymlaen llaw am rai o'r genres/pwrpasau testun a fydd yn cael eu hasesu yn yr arholiadau Uned 1 ac Uned 2
Saesneg Iaith a Llenyddiaeth	Rhoi gwybod ymlaen llaw am rai o'r agweddau fydd yn cael eu hasesu yn yr arholiadau Uned 1 ac Uned 2: - lleihau nifer y cerddi i'w hastudio ar gyfer Uned 1, a - rhoi syniad o'r adran o'r testun y daw'r darn ohono ar gyfer Adran A Uned 2
Llenyddiaeth Saesneg	Rhoi gwybod ymlaen llaw pa ddarnau/cerddi fydd yn cael eu hasesu yn yr arholiadau Uned 1 ac Uned 2
Ffrangeg/Almaeneg/Sbaeneg	Tynnu Tasg 1 (cerdyn dadl) yn yr Uned 1 Siarad (Asesiad Di-arholiad)
Daearyddiaeth	- Nid asesir cynnwys wedi'i enwi ar gyfer Uned 2 - gofynnir i ddysgwyr ymgymryd ag o leiaf un profiad gwaith maes wrth baratoi ar gyfer yr arholiad
Llywodraeth a Gwleidyddiaeth	Nid asesir cynnwys wedi'i enwi ar gyfer Uned 1 ac Uned 2
Iechyd a Gofal Cymdeithasol, a Gofal Plant	Nid asesir Tasg 2, rhan (dd) yr Asesiad Di-arholiad
Hanes	Nid asesir un o'r cysyniadau/safbwyntiau wedi'u henwi ym mhob un o opsiynau astudiaeth achos Uned 1
TGCh	Bydd Adran B yn cael ei thynnu o'r arholiad Uned 1
Y Gyfraith	Nid asesir cynnwys wedi'i enwi ar gyfer Uned 1 ac Uned 2
Mathemateg a Mathemateg Bellach	- Nid asesir cynnwys wedi'i enwi ar gyfer Mathemateg Uned 1 ac Uned 2 - nid asesir cynnwys wedi'i enwi ar gyfer Mathemateg Bellach Uned 1, Uned 2 ac Uned 3

Mae'r fersiynau heb eu haddasu o'n manylebau i'w gweld ar dudalennau'r pynciau ar ein gwefan [yma](#)

Pwnc	Addasiadau arfaethedig ar gyfer 2022
Astudio'r Cyfryngau	- Nid asesir cynnwys wedi'i enwi ar gyfer Uned 1 - nid asesir cynllunio a bydd gofynion yr holl opsiynau cynhyrchu yn Asesiad Di-arholiad Uned 2 yn cael eu lleihau - derbynnir cynrychiadau wedi'u cwblhau'n rhannol ar gyfer Asesiad Di-arholiad Uned 2
Cerddoriaeth	- Bydd yr amser perfformio yn cael ei leihau yn Uned 1 - dim ond un cyfansoddiad fydd ei angen yn Uned 2
Addysg Gorfforol	Bydd y gofyniad i hyfforddi/dyfarnu yn cael ei dynnu o Uned 2 (Asesiad Di-arholiad)
Seicoleg	Nid asesir Adran A (Dadleuon Cyfoes) yn yr arholiad Uned 2
Astudiaethau Crefyddol	Nid asesir cynnwys wedi'i enwi (is-themâu) yn Adran A yr arholiad Uned 2
Cymdeithaseg	Rhoi gwybod ymlaen llaw am rai o'r agweddau fydd yn cael eu hasesu yn yr arholiad Uned 1
Cymraeg Iaith	Bydd dysgwyr yn astudio naill ai'r ffilm neu'r ddrama ar gyfer yr arholiad Llafar yn Uned 1
Cymraeg Ail Iaith	- Tynnu un darn ysgrifenedig o waith o Asesiad Di-arholiad Uned 2 - Yn Uned 3 bydd nifer y cerddi i'w hastudio yn mynd i lawr o bump i bedwar.

Mae'r fersiynau heb eu haddasu o'n manylebau i'w gweld ar dudalennau'r pynciau ar ein gwefan [yma](#)